

仙屏書屋初集

仙屏書屋初集詩錄卷之十五

宜黃 黃爵滋樹齋著

遊焦山後次韻答馬竹漁竝別德研香家子湘四

首

如此江山勝誰從覓導師時光春最惱心事月能知繁
響終虛寂高談轉曠夷不嫌風露溼履迹徧苔墀

白雪蒼山裏傷心負土來祗憐鄉路別何事客驪開琴

想石間倚

調梅松誰閣畔栽
謂張亨甫憑添數行淚到此其

徐徊

難得新知樂浩然無俗情便思攜手去不負此心清北
固山頭騎東湖柳外鶯何時劇相憶風浪一江平
瓜步瀟瀟雨孤篷徹夜聽無端驚夢冷豈爲惜花零別
恨餘香國閒心戀佛庭可無石林筆待寫竹間亭

舟中懷趙約園

春風送我來復送一颿轉江水到君門千里殊未遠所
嗟世路岐相見一何晚相見復相別情懷那得遣坐久
林星移談深竹雨散昨夢猶相歡今行孰爲伴從茲對
明月有若君懷滿相期惜流光努力在所踐

題楊升菴先生遺像

寫韻樓高入達天相門才子惜遺賢尚留魂魄蒼山外
不盡風流洱海邊策杖攜童真老輩簪花擁妓亦神仙
少陵不作東坡死雪涕巴江一叟前

敵樓答劉香雪廣文竝東楊立之明府四首

樓在宜黃

縣治西隅倚城爲守望所
明大司馬謂公所相度云

絕愁風雨閉門居萬壑千巖興忽舒林鳥自穿雲詰屈
溪虹遙帶樹扶疎南華山色晴鐘後北郭濤聲曉漲餘
四十年前追杖履白頭吟望碧天虛

漢鼎分來幾廢興
天荒地老亦憑陵
羣山忽展如龍勢
異代猶聞司馬稱
嶂角風迴吟翠篠
關頭雨過落秋藤
等閒欲跨仙人鶴
身在雲霄最上層

桃花何處武陵春
千古迷途肯問津
遙望峰頭軍駐馬
近思江畔客垂綸
每依傑閣臨珠斗
欲假長繩繫赤輪
自愧仙崖有靈藥
出山何補世間人

楚水吳山第幾陲
雲溪風谷本天成
南豐大筆矜文秀
北宋遺編紀太平
澗路迢迢通遠服
原田歷歷見深耕
憑君其切綢繆意
草莽猶堪答

聖明

湖上與徐東松話別

重雲一湖水千古兩人心
白髮文章絢蒼山寤寐深
妻孥分旅食身世託知音
瑤瑟湘江上清風和雅吟

懷舊遊偶作六首書余擴菴紀遊冊後

樵舍

樵舍西山麓風帆片片過
夕陽紅樹外惟見白鷗多

大石山

江迴窈窕峰樓倚婆娑
樹猶憶艤舟時醉踏沙頭路

大姑塘

大姑嫁彭郎相望不相語
離離江上風颯颯江頭雨

望湖亭

望湖亭畔客曾醉
菊花觴倚櫂一相對
飛雲何渺茫

王文成紀功碑

松林鸞鶴巢石壁
龍蛇字天橫
雙劍峰人憶九華寺

信江書院

橋亭賣卜研此石
應未泐七十二峰間
風泉洗靈魄

乙巳首春漫興八首

逆旅頻教節序移江湖浩淼鬱相思故園雖近難攜酒
新歲能閒且讀詩南浦飛雲常在眼西山晴翠未舒眉
似聞主客爭傳坐無異長安駐馬時

春風昨夜入庭除比似春人笑語初紅白茶花開落處
淺深蕉葉醉醒餘流光易覺年年負短髮難禁密密梳
欲訪瓊仙駐顏色夢中靈藥手親鋤

百年身合漁樵老四海名慙婦孺聞馬帳傳經猶濟濟
雞林求集亦紛紛著書寂寞憐揚子誓墓徐徊惜右軍
祇有平生恩未報淋漓看劍夜初分

風簾雨簾恰良辰江北江南天下春龍虎關河增氣象
皋夔

廊廟有經綸竹圖招我林間叟

謂郭羽可

蘭曲傳來幕府賓

謂嚴問樵

一事報君猶未得嚴陵山色最韜人

停雲落月不勝情況是天涯半死生漫說夜臺書可報
最難人海別方成清尊能得幾回續佳句常於獨坐驚
相憶不如不相識照人心緒燭分明

匍匐歸來雪滿航出門何事更倉黃白雲空復餘親舍
紅日曾經捧

帝閭隴畔松楸遠。戲幕天邊桃李訊。春陽兒曹努力飛騰去。慰汝平安字兩行。

虎僕龍賓左右偕。鑽研故紙卽生涯。人求安世書三篋。地仿蘇湖室兩齋。翻日車誰邀力士補天石。欲鍊皇媧到頭莫笑儒冠誤。浩蕩乾坤一放懷。

咫尺匡廬不再遊。江風難繫木蘭舟。重來渚畔迷寒蝶。小住湖邊狎昔鷗。高士至今遺菜圃。仙人何處尚珠樓。青山綠水尋常事。可得黃金布地不。

後漫興八首

汗漫天風挂酒瓢當年意氣薄雲霄有時獨解漢皋佩
忽復相逢吳市簫世上人徒競蠻觸山中機可息鷓鴣
江關留滯緣何事一笑猶堪貰敝貂

畫鼓聲催客夢闌江流遙送大姑寒仙雲孰駕青牛去
高浪曾乘赤鯉看柳樹應知成宅易桃花偏是問津難
五湖縱有逃名舸未必翻然把釣竿

春風城郭幾斜暉欲上高臺一振衣雲影紛隨鴈北向
笛聲仍帶鶴南飛將軍甲仗空湖水居士桑麻在翠微
安得年年開口笑料量酒美更魚肥

東湖寓公老畫師謂李寶之四十二圖今就之能事不受相

迫促歲暮空復聞嗟咎亟須售汝乞米帖且待和吾思

酒詩翠禽嘲啾欲窺戶謂我有客當是誰

隔簾鸚鵡喚遊仙不是書顛卽畫禪香草美人添客思

高山流水入君絃謂銘東屏讀書會放千秋眼學道將爲一

世肩我自江湖堪散髮春官桃李任爭妍

豫章千尺撼風雷試聽王郎歌莫哀謂海樓天外置身會

日觀世間低首但雲臺飛鳧作令疑仙去折鹿談經讓

鼎來衛武箴規由慎德元公吐握只憐才

六月炎方暑氣蒸記從江上送徐陵

謂東松

都無長策齎

鹽累各有新篇歲月增駭僕何能知穎士小妻翻許侍
枚乘岳陽樓畔春無際望斷湘雲第幾層

竹牀紙帳漫隨身幾度扁舟別所親淮海一年樽酒過
江山千古物華新閒中清夢亦時至醉後吟懷始覺春
日暮天寒尚茆屋絕憐空谷有佳人

續漫興八首

一樓煙月對南華回首春城薜荔家江上故人虛見訪

謂姜棹圖

山中世事亦堪嗟夥頤幾見知鴻鵠壯士還聞避

蝮蛇太息先賢邱塚在

比年屢過鹿堂
謁譚襄敏墓

石年歌遍杜鵑

花

扁舟一葉滯江干有客方歌行路難

謂壽泉兄

三月鶯花愁

故國卅年風雨夢長安抗顏只爲錢神貴排俗真宜酒
戶寬莫厭衝泥勞太甚依然首藉其盤餐

雅有高歌泣鬼神忽逢岑寂見天真友如過雨空憐舊
春似流波日換新殘雪影隨飛騎散夕陽紅與白鷗親
閒情無奈頻孤負且向街頭作酒民

無端別鴈任呶嘍拋盡塵緣得自由室有兒孫惟誦讀

世無勲業豈王侯萬間虛想少陵屢四海難爲白傳裘
日暮瀟瀟鷓鴣雨絕憐銜葉爲身謀

過隙驚心惜白駒百年幾日足歡娛妙明孰證三摩地
倉猝還觀萬變圖不少窮鱗爭望澤似聞老馬倦知途
風鳶歷歷翔霄漢賺得兒童笑口呼

休言過眼卽雲煙嶽色河聲次第編循古驛行三萬里
補奇書讀五千年歧途每下楊朱泣壯志徒勞祖逖鞭
只有泉聲清入聽衡山一卷畫圖懸

舊藏文待詔聽泉
圖幀圖中人風貌

頗似
余

青甌我憶舊山城碧蕙紅蘭託友生此席正宜吾輩設
閒官絕少世人爭遙聞福地開書府謂艾至堂近想明湖入
酒觥謂蕭崑圖黎定叔若問池堂春草句他時應有謝家兄
前賢著作後賢裁斗室乾坤一卷開異代有人尊史筆
千秋豈獨擅詩才江南野水鳬鷗逝下濕良苗煙雨來
讀罷江皋一長嘯鶴聲嘹唳碧雲迴

螺墩卽事

春光九十半闌珊纔趁暄晴到此間江氣摩雲入虛牖
雷聲催雨過前山花神幾度憐開落客夢何心繫往還

最是天公多變幻欲將畫法試荆關

謂李寶之

看花法雲律堂示僧慧霖并柬同遊諸君

顛風一夜破窗紙楊柳天寒春似水桃花李花雨中盡
蝶老鶯殘到上巳詩僧解約酒客來花天倒入流霞杯
江驪送客復迎客愁城一破天爲開是何瑰麗動魂魄
第一風流分綺席香色由來莫競林風塵不到無遮國
最好宵深玉露流星斗在空鐘墮樓來朝醉騎更紛沓
儻負此花傷白頭

登繩金寺塔

誰能拔腳風塵裏一笑舒眉古佛前雲路直看飛鳥上
江流俯撼伏龍眠萬家城郭春如綺列岫樓臺氣亦仙
且向閒中頻指點落花歸騎酒帘偏

觀東屏廿四人品詩篆刻題後

讀君廿四品使我增慕思讀君廿四鏡使我生然疑
別有廿四人鏡詩示戒尤爲深切世道日顛覆人事多詭隨黃鐘暗瓦

缶驚駕驤龍驪孔孟日以遠斯文庸在茲黃農五千載
去我猶可追安得跨白鳳與君迴青螭羅此萬人傑置
之九等差朱囊絢爛色鐵筆蛟虬姿得毋寓游戲聊可

相贈遺雖然衆口哆詎決兩目眩譬如穢思滌又若疾
忌醫請君布所戒勿復藏其媿夜闌發晨鐘夢寐誰汝
疵

送朱紹庭觀察還里

朱舁由來器量兼黃香祇恨別離添繁華易散名王蝶
時勢難規學士鹽八里江流澄畫舫萬春山色隱疏簾
知君繾綣應何似無奈風光已近爰

詠懷古蹟十二首

澹臺子羽墓

三百從遊盛南來第二人
荒祠存俎豆斷碣委荆榛
浩氣毓眞宰高風範縉紳
江河愁日下慙愧負儒巾

梅子眞蓮花池

心是池中水人如池上花
九關屯虎豹半畝足煙霞
去復奚累行行空歎嗟
美新者誰子投閣計終差

徐孺子亭

東漢幾徵士南州一客星
范張徒決絕李杜亦伶莢
竹有餘古藤蘿尚帶馨
清流誰似此勺水是滄溟

許旌陽鐵柱

鐵柱鎮洪都洪濤一剑驅神仙何事業忠孝是謀謨至
理原非幻奇功信不誣千秋思惠澤鐘鼓在粉榆

吳綵鸞寫韻軒

昔是仙人宅今非仙人廬仙人跨虎去相伴瑤臺居爲
脫塵中網聊備世上書陶公歎貧士對此復何如

南唐中主鳴鑾路

一自成遷議鳴鑾別建康天仍深北顧地始重南昌人
物終岑寂江波其渺茫風流散諸郡馬陸未能詳

陳陶隱居

蕭然陳處士道以布衣全世上誰麟鳳山中自歲年癖
書餘著述佳句每流傳想見柑橙熟憑添買酒錢

三洲蘇圃

道在灌園叟秋風獨閉門山河一碁局風月幾盤殮不
了世間事何來物外喧韓王亦湖上跼躄小乾坤

陳友諒鹿圃

元氏失其鹿天下其逐之江湖多盜藪舐觸無藩籬民
命不如物盛圖空復衰由來歸氣數解網是前師

婁妃粧臺

妖讖何爲者淒涼江上洲
命隨天其畢恨與水俱流
諫草詩篇在書名鉅筆留
當時敢死士魂魄亦應羞

王文成公祠

偉矣洪都祀天人不朽名
擒王資定力講學豈虛聲
鷹犬材難制蛟鼃氣易平
九華猶待罪江月有餘情

都督第

誅鎬亦何補長城壞豈堪
天心定有屬臣志要無慙
才自兼藩薨時偏後戚譚
表忠尋故址雙柏指雲參

後詠懷古蹟十二首

松陽門樟樹

氣得坤輿厚材應天壤奇仲初癭木賦杜老豫章詩人
事幾代謝物情難獨支空山尚文梓栽者孰培之

東湖

十里波如鏡名聞東太湖荷花自開落柳樹半榮枯春
思橋邊水秋聲隄畔鳥盛衰緣底事閱破是徐蘇

龍沙

沙作盤龍勢天空唳鴈秋寒津開晚渡落木帶明流興
廢前朝事滄桑古墓愁只留地上月還照女牆頭

文孝廟

天不安梁祚前星遽隕輝
選樓存手畢哀寢減腰圍
報亦崇身後時難反式微
南中多廟祀魂魄定因依

滕王閣

高閣幾尊酒長江一片雲
名公誰上客童子竟能文
章水波光合豐城劍氣分
應餘巖穴士徙倚對斜曛

上藍寺

地亦相輪轉心惟大寂尊
仙言一劍誤僧笑百詩存
積習終難解塵勞已太喧
何如齋粥靜落葉滿山門

繩金寶塔

松雪碑何在雲堂畫亦韜寺荒餘草木天遠入波濤功
自一繩始名應千佛高布金誰滿地搔首俯林皋

螺墩

一珠江上月萬錦寺頭花春水年年櫂垂楊暮暮鴉穿
橋通曲徑隔岸隱漁家已是興衰感何須問若耶

唐武陽郡公功德碑

韋公有功德合配許旌陽偉矣司勳筆從之胡氏章餘
情託篇什遺愛在馨香猶道休官好何勞召伯棠

煙江疊障堂

曾從玉泉峽遺像拜中丞句與山雲麗堂開江月澄東
風飛白棟秋雨落青藤往事琴尊罷誰尋退院僧

南浦驛

曾訪江郎浦還憐屈子吟茲來况吾土屢別亦傷心落
日烏斜度秋雲天半陰誰歌招隱曲一一記登臨

豫章溝

三湖九津滙蓄洩貴分明湖水或南潑津流自北行勢
方恢蜺子道可感龍精試倚溝亭望西山風雨橫

仙屏書屋初集詩錄卷之十六

宜黃 黃爵滋樹齋著

中元湖夕泛舟卽事示同好諸子以落日放船好
輕風生浪遲爲韻十首

我憶天之東瀛壺一邱壑樽桑見初升逶迤忽西落大
海揚迴瀾魚龍但錯愕何如此湖居手把芙蓉萼

我憶天之西曠蕩而萃擇其土或爛人叢菅一何密閭
風縱縹馬歧途焉可出何如此湖居逍遙以娛日

我憶天之南黃茅多異瘴我憶天之北增冰縮溟漲炎

洲不可陵寒門空在望何如此湖居清鐘隨梵放

高岸或爲谷滄海猶桑田霸王事已矣烽火沈樓船疏
濬仗人力漚菑仍洩宣徐亭與蘇圃可以窮緣沿

新秋賦徂暑炎雲尚杲杲賴有湖中水一洗萬物燥壺
觴幣亦宜賓主意殊好誰能城市中瞥眼見林島

湖西日初落湖東月已明南人尚鬼俗奔走爲僮僮紅
鐙照綠水珠斗迷縱橫動極乃歸靜物斂身亦輕

湖心駐明月湖面來好風扁舟任往來適意焉可窮漁
者亦宵肅移置西復東楊柳忽搖曳清光涵碧叢

前年北湖住，惄然如飢僮。有客常過從，我意方屏營。今來覓故侶，客去僧亦行。惟有湖中水，續續幽瀾生。春風湖上愁，慣傾酒家釀。今逢二三子，秋月澄煙浪。情通破俗拘，慮遠愜素尚。黃樓三百年，此樂信無量。毋謂一隅小，可兼六合施。毋謂一夕暫，足永千秋思。天道寓往復，人事觀合離。偉哉崇大業，勿傷知遇遲。

大觀亭懷古

雪氣涵空白，江聲激曉寒。號風萬羽靜，破浪一帆單。斷井荒煙沒，孤樓宿葉攢。爲憐忠魄在，頻倚墓門看。

金陵漫興八首

問訊天涯有故人重來風雨一相親
彭郎直下兼天浪揚子將迴隔歲春
書載一船關吏詫雪深三尺僕夫瞋
艱難已屬尋常事忘卻江湖是要津

漫尋李白文歌臺

臺在涇縣

無那江流向客催五夜尖風頻

到枕三山新月且銜杯高談祇有詩堪續
往事難教首重回記得板橋西畔路藕花菱葉冒船來

半茸紫綬挹香風雨度花看瑣院紅
秋水尚懷葭白處

高樓仍見月明中

時新葺貢院周石生馬湘騶邀登明遠樓從遊則孔芾園劉符階諸子也

魚龍變幻餘江介，鸞鶴逍遙向碧空。莫頌淮南招隱士，山林應不負初衷。

六代關河百戰餘，龍盤虎踞帝王都。祖生擊楫今何在，溫嶠然犀事有無。蕭寺鐘聲迴遠樹，隔江帆影帶荒蘆。由來京峴皆天塹，誰向中流策壯圖。

江南江北不勝情，千里江湖萬馬聲。有客謂包不歸黃嶽，去移家尚賦白門行。生徒雅解求文字，將吏猶聞識姓名。一縷書燈一吟卷，此才豈是傲公卿。

儒生籌筆亦何嫌，養士方期報國規。何必朱清能轉漕，

豈無劉晏解行鹽不貪始識金銀氣絕險誰爲將相兼
試倚江亭發長嘯碧霞無際萬峰尖

五湖饒有饋貧糧歲月憑輸蟹稻忙兵足原須資食足
海防何似更江防狼山北轉漁人權牛峽西連估客檣
我是匡廬舊居士沒齋甜筍味偏長

人事無端觸廢興山川風月幾行滕陶公一飯終難報
杜老十觴猶可勝江底潛蛟知客過海邊馴羽識吾曾
拈花欲證菩提果一笑何如退院僧

丙午立春邗江漫興四首

獻歲入春逢九日暮雲初霽曉煙寒僧寮也許傳花勝
客即還堪品食單三詔洞邊梅信晚八仙臺畔酒痕寬
東君到處憑相識不怨江湖行路難

文章千古選樓高漢代風詩楚國騷經術况聞重劉向
才華應不盡枚皋新亭待夏誰清吹大澤非秋亦怒濤
爲覓湖山最幽際相將春水放漁舫

幾度山堂夕照邊風流空復憶前賢虛名甚媿無雙士
佳味曾評第五泉江上白雲如我在關頭啼鳥送人偏
笑他甓社經行處可有明珠到客船

竹四橋頭春易歸。恰逢春至莫相違。春鐙似破天陰寂。
春夢方隨海月飛。不是滄江歷遲暮。何緣綺谷拾芳菲。
人間知有廣陵散。會向風前理玉徽。

將至宿遷舟中寄臧牧菴孝廉并示子湘

湘時攝縣篆

桃源縣前春水生。東風知我欲西行。天際盼回新草色。
夢中消盡故濤聲。高才幾見收奇計。傑士由來貴令名。
馬陵山下今夕酒。落日浮雲無限情。

鍾吾書院題壁

高樓騁望意如何。林樹初暄景物和。方罨似雲開綠野。

環流如鏡引黃河天依斗北星辰近地盡江南鴈鶩多
傳語楚庭諸秀傑但持風化理絃歌

宿遷與牧菴別後黃河舟中卽事卻寄

凍草迷遙岸潛鱗失遠淶河橫二月雪天壓五更風世
事催頭白吟檣入手紅六年懷舊夢惜別又怱怱

淮安北門城樓金天德大鐘歌爲丁儉卿

楚州復見銀鑄城北樓突兀來鐘聲海天萬里聞
是何神鬼工位置當年勑自羊山寺三鑄而成始稱異
此鐘戛擊伊何人金源貴族邳州軍二百卅字銘嶙峋

背鬼軍散空樓櫓蒺藜繻遍城頭莽

儉卿記云淮人掘地多得韓瓶調韓

斷王背鬼軍瓶也又云修城時掘地得銅蒺藜風雨仍當時宋金駐軍於此遺入地中至今猶有存者

摧雞糞土此鐘閼響七百年今逢拂拭光爛然戟門石柱爭流傳丁生作歌一何激知爾摩挲意無極蒼然仰視浮雲白

萬喜田廣文見示漢碑拓本賦之

漢碑原榻百本為君家廉山太

守舊藏屬王君子若縮摹研背未成而廉山遊張芥航河帥出貲續成之其研石仍歸萬民云

兩都賦後三都賦漢代河山幾劫灰百種殘碑見文字一時妙手失鉗鉞龍蛇鬱律端溪石風月蕭條董井苔

誰是腰纏十萬客解尋湖畔買珠來

屢爲湖上之遊疊用桃花庵壁間詩韻二首

春水一湖晴春花萬林色出郭霽煙明迴舟新月白傾
餘玉壺香飽恣金杵食華鬢非昔時溪山猶主客
人事惜流光物情盼芳色霞綺散疏紅雲英漬輕白
花開故遲節序到寒食藉非夙所因胡爲足行客

焦山第一花樓歌爲自然庵僧題壁

雨山飛送江樓雨濛濛溼遍樓前樹江潮無際對樓生
似爲予懷寫悽楚樓前一笛倚梅花樓畔疎香入帳紗

雲陰陰兮布護天
蜜蜜兮周遮嫦娥面
今不見徘徊花
下人惆悵花間宴
昔來花謝孤明月
今逢春冷花遲發
終是人間第一仙
李桃未敢爭先出
老僧種花幾十秋
醉來語僂花滿樓
會須俱爾作初祖
不負辛勤到白頭

三月二十九日門人胡若卿張詠仙蔣崧生汪嶺
梅招同兒子秩槃偕遊天平諸勝晚宿吾與菴
次晨自靈巖返舟經石湖精舍而歸得詩四首
茲遊信所愜
初地白雲開
山是范家宅
人疑支隱來
泉光修竹鳴
鳥語落花臺
無限清溪思
扶筇倚碧苔

微雨芳郊外清風獨樹邊歸藏魚塚峙魚塚在吾與菴放生池側覺

世簷鐘懸自得同人契難孤一宿緣羅曇成好事記與

話桑田

曠絕靈巖寺句吳舊廢宮春餘酒城碧天入洞庭空疎
磬千林杪閒鷗一鏡中山塘仍放櫂說法問生公

石湖湖一角風景自清幽廢沼枯魚泣荒祠暮鳥愁日
斜橋畔路酒熟舵邊樓雲影天光際伊人如可求

陽湖晤談芸西題其入蜀吟草二首

蜀道憶嶄巖征人淚滿衫啼猿催客夢語燕送歸帆綠

水長竿餌青山短柄鑊蘭陵今日話相趁玉盃銜
念爾猶慈母庭幃色笑親但求門子志不羨宰官身我
欲金臺上偕誰玉壘春浣花今已矣忠愛是何人

吳門過孔繡山出視庚子偕秦澹如招集尺五莊

餞春圖冊次韻題寄

百年人事苦堦積飛雲仰睇碧翁碧昨逢江上春歸夕
玉壺倒盡吳門客兩生磊落今豈多春明故事俱接莎
歲惟庚子月清和有美人兮城之阿紅杏青松拙公寺
當時遊屐我頻至秋雪亭邊更聯騎圖中佳客半舊知

杜詩韓筆森奇氣相逢四海目爲營始信六經心其醉
吁嗟今士誰曠高兩生之意如我家使我棖觸悲吾曹
世無揚雄誰反騷馮唐老去羞時髦晨星落落懷故交
當時海上風雨飄夢中何處聞笙簫越王山麓花徒嬌
歸來欲占同人郊牢愁萬斛那得澆故山但思理琴筑
王事馳驅復相促頭白祗今愧匡俗披裘且問釣臺翁
山川千古貽清風畫眉聽徹誰與同光景如馳不可繫
雨驟風狂年復歲我自南驅君北轡聞道江亭少客尋
酒痕視君猶滿襟聲名空惜傳雞林

廖時若參軍招遊平波臺寺僧靜參出驚湖修禊

圖索題因次左青士大令詩韻三首

千秋豹席古風存適意元真道自尊羨煞題詩招隱客

樵青也合拜君恩

青士詩云樵青也拜君王賜放浪煙波是主恩

草長江南鶯亂飛
棟花吹雪半漁磯
鯪魚上市人爭買
何似齋房筍蕨肥

曾向滄江理釣綸
桃源何處問迷津
綠波三十六灣水
照見江湖散髮人

嘉禾紀遊絕句三首

煙雨樓

鴛鴦湖面水拖藍
酒舸漁船適意堪
最是太平傳盛事
六龍駐蹕問桑蠶

金陀園

參天鴨腳樹扶疎
曲渚潛通范蠡湖
莫道林亭非昔主
千秋風月總清娛

本覽寺

三遇真成學士緣
山亭空翠半林煙
空翠亭在三過堂後久圯今太守徐
信軒老僧煮茗還相語又見風流太守賢

西湖紀遊十首

金沙港

金溪一湖綠那辨東西
水紅樹引春觴碧波盪文綺
逶迤到炎夏清光尤氾灑
忘機沙際禽得意湖頭鰲母爲
念留滯可以息蓬累

孤山

段家橋畔行望望入孤嶼
荒徑寂無人幽禽自相語
梅花開復落色香在何許
想見巢居士曠然得其侶

葛嶺

我愛湖上山天然見葛嶺微雨沐流光春波涵倒影茲
來愜登陟江湖一清迴觀臺尚巋然坐石足遊騁丹成
安可期且酌盃泉茗

韜光菴

言尋韜公徑載飲韜公泉韜公何所遺手種韜公蓮茲
花洵異植託根來靈源容容注江海了了空雲煙扶桑
見日出照我倚石眠逢巢得其止遇天信可前

飛來峰

峰從何處來何爲不飛去但參理公禪莫誦方千句方

仙屏書屋

寄金十六

十

飛來峰詩云臺殿漸多山
更推卻令飛去也應難
清泉何泠泠疎松已非故人

區幻鬼窟若曹真錯據天光炯下垂一線開覺悟何來
示現身心目巧相遇洞猿亦可呼淵龍亦可獻嗟哉世
間人萬事如墮霧

南屏

湖南山色多日看苦不足高峰駢綺雲羣流錯鏗玉

翠華昔來臨恩光普萬族勤民先瀦防樂事及瞻矚祗

今百年間山川餘藻緝桑麻猶在郊榛莽或盈谷逝矣

吾所偕

甲辰三月過小有天園偕汪少海諸君訪溫公石經拔榛得之嗣少海以榻本寄余未幾而少

海萬事隨轉燭俯仰信無端鐘聲杳林木

白雲菴

頽垣枕湖曲澹瀟湖光浮湖雲朝復暮湖月春還秋小

婦愁未嫁中婦嫁轉愁酌酒祝老人勿使傷白頭

菴中
所記

神日月下老人
卜婚姻事甚驗

萬松嶺

五德有代興斯文不可墜我行萬松嶺颯颯聞清吹崇
茲明道堂易彼報恩寺謝喬信倔强權璫不敢廢

盛明偉舊觀

寶墨燦星緯雲濤足浣衣石泉思飲騎歸與念吾黨豫
章庶可貴

六和塔

塔燬江潮高塔建江潮卻金鯽何時飛石龍宛相約僧

言塔火異高周截網鐸

壬寅九月塔火自上下環燒欄檻塔中如故

又言江

潮奇海門聲不作

自癸卯至今已四年

孤標鬱風雲餘威失蛟鱓

是惟佛力宏要豈常情度高攀不可窮遠睎欣有託煙

雨橫空濛聲聞入冥漠

雲棲寺

伏虎者誰子大扇一和尚築室五雲顛雲飛六合曠鳥
聲清梵裏佛影碧苔上新漏散前除迴飄起層嶂萬化
感盛衰一心識真妄蓮池復何有吾將適所放故山有
靈藥惜哉負藤杖

五悼詩五首

徐廉峰前輩寶善

汨吾生兮行邁君招我兮由敖昔胡爲兮燕譽今胡爲
兮寂寥世有非俊而疑傑兮或聖跡而盜堯胡獨使我
慘此聞見兮君則遠棄而不留孰與君處仙之人乎土

伯孰爲君駕駟玉蚪乎
變魑我思君兮然疑君孰與乎
浮游以逍遙

潘四農大令德輿

溯淮水兮驚波見淮山兮落月有美人兮棄余羌不見
兮哀絕昔淒淒兮雨愁又冥冥兮風悽聞招魂兮不復
空掩淚兮如縻想容光兮如昨懷笑語兮爲樂嗟傲骨
兮旣委獨清心兮永存悵江南兮江北孰起君兮九原

葉筠潭前輩紹本

四運忽其代逝兮諒今昔之固然惟君子之閱世兮底

古處之獨敦繫余馬兮鐘阜艤余舟兮霅川撫青松兮
潛潛招白鶴兮涕漣傷大雅兮不作恐後生兮無聞孰
雲龍兮上下徒惆悵兮朝昏

張亨甫孝廉際亮

已乎已乎思浮海兮君不得具筏思出塞兮君不得負
糒燕臺蓋兮少黃金悲駿骨兮骨亦沈挾四海兮兩目
抱九泉兮寸心已乎已乎我猶欲飲君松寥之側九屏
之間君胡爲兮息見而絕聞

湯海秋侍御鵬

仙居書
我思君兮浮邱邱之雲兮載君以上遊我思君兮上谷
谷之風兮中人人不得自由吁嗟乎君不能騑白虎驂
蒼龍竦長劍要弧弓魂兮魂兮猶將馮昆侖以瞰霧縠
青冥而攄虹悲君子兮既遺傷我懷兮永訣山高高兮
水深曠音沈兮響滅噫嘻賊世無子期兮夫操縵者何
爲

仙屏書屋初集詩後錄卷之一

宜黃 黃爵滋樹齋著

過獅

石訪友

江風吹客櫓，有磴行遲遲。
寒花照夕陽，古松俯流水。
語罷逐歸樵，四山白雲起。

江村

三五人家三兩墩，負暄野老雜雞豚。
夕陽山店多依岸，夜雨江潮已到門。

謁嚴子陵先生祠

悠悠七里灘直下富春渚江空少行跡林曉見棲羽載
瞻先生祠超然識眉宇勢髯披羊裘春風坐漁父時明
道自高世遠聲猶樹峻嶺鬱煙霞芳洲散蘭杜

過郟城縣

曉日出東岫須臾浮霧開驅車不數里相望郟城隈臨
歧意緬邈覽古思徘徊麥浪漲平隴柳陰覆層臺當此
春夏交衆卉荷栽培修業貴及時此念良悠哉

長歌行

蒙陰縣作

驚風影兮浮雲收黃沙蕩兮白日流芳草萋萋兮嗟王

孫之遠遊東蒙山兮青青路之陰兮崎嶇而難行蒙之
神兮山之靈風爲御兮雲爲輶安得乘風雲兮粗天門
而遐征

書露筋烈女祠米南宮碑搨本後

壁社湖頭波似鏡露筋祠畔月如煙葵花蕭槭夜風起
吹徹一江書畫船

湖上秋夜

暝色生四圍湖波盪未已波間盪出一輪月天水空明
幾萬里月無波不涼波無月不光波光月影兩無際風

痕一片搖青蒼隔林鐘磬帶雲度燈火不辨湖邊路中
有漁罾時往來三更掠破荷花露

余芝衫秋林覓句圖歌

寥天萬籟起岑寂滿院梧桐露華滴惟有君家老居士
解向秋林讀周易我聞秋帝稱白藏其氣則金音則商
霜得其氣肅以涼風得其氣清且狂龍鳴水中不見影
虎嘯幽谷騰天閭衆竅于叩忽復滅有似倦吟暫停輟
杳無人跡空山空但覺殘葉紛紛下如雪寒蟲林上號
微泉林下咽老樹枯根半死生秋容慘澹秋氣裂君會

此意應無窮奇趣磅礴盤心胸默參動靜契衆妙榮悴
一理相始終堅多心節古有訓取材落實將毋同

熊曉谷畫松歌

宜黃會館壁間有曉谷畫松一幀其自跋云洪
谷子畫松不取形摹惟求神於物象之外臨畫
時一有成見便落作家氣象予見董少宰家藏
蒼松怪石圖用破筆焦墨以水墨渾之愈顯剛
健婀娜之態因撫其旨以指頭寫之不取有少
分合否曉谷卽吾邑人昔以畫遊京師甚有名

虛堂萬里長風生枯龍蜿蜒神欲鳴中有雲氣噴白晝
挾我疑向滄海行熊羆此畫實奇特以手代筆指濡墨
摹古自出新意象要令觀者皆辟易夜夢仙人騎六鼈
蒼鱗赤甲排秋濤願把金芝換此法拔之補種三山高
由來妙畫稱通神當其伸紙天爲昏室間夜夜雷雨吼
深恐破壁飛天門君不見張璪死後無其偶洪谷之畫
亦罕有千年呵護賴精靈勿煩更覓剡山叟

自題美人紈扇寄荃君

霧鬢花鬟窈窕容相思子爲相思紅難將萬里天涯路

縮入冰紈數寸中

豐臺觀芍藥歌

長安花事春最高殿春芍藥尤花豪花香如海氣作霧
九衢賣徧春聲囂陳生小邀我看花去驚輪破曉出西
市十八邨頭宿露濃溼上寬衣透薄履穿花徑曲循花
行花光人影交迴紫東田西舍迷出路鶯燕不語蜂微
聲將離未離花如醉欲吐不吐雲萼媚園丁刈花如刈
禾鎌刀著著光流地安得護此瓊田葩十日放盡崑崙
霞攜壺醉踏萬花裏富貴何必公卿家年光似水流不

住一年看花能幾度豐臺芍藥天下無賞花須覓種花
處花農有花貽子孫白頭閱盡看花人不見東鄰海棠
死綺筵化作芳塚新封姨姪人已三日閉門促坐不敢
出天光豁眼忽清曠到此何曾著纖圻圍棊一局酒百
觴餘興未歇顛顛狂載花歸去誰最忙蓮花博士紫薇
郎謂吳蘭雪舍人

辛巳送秋四首

一笛西風喚奈何秋光又向眼前過樓臺何處無明月
星漢如今已逝波旅夢斷隨紅樹遠騷心冷比白雲多

沿階怕聽寒蛩語孤負家山舊薜蘿

高邱遠海一銷魂夕照千邨與萬邨大筆何人森老氣
寒林從此識歸根廣陵月帶潮聲隱廬嶽雲隨鴈影昏
無限燕臺搔首地秋心寥落其誰論

天涯無處不悲秋况值秋歸百感投遼海千程勞去鳥
吳江一夢冷眠鷗素娥宮殿留清怨青女關河起暮愁
昨日登臨山色裏蕭蕭風葉滿高樓

今夕今朝總不殊閒居爭奈客情孤吟窗菊影依人瘦
鄉國梅花到夢無江上琵琶憑送客城頭風雨過催租

敝裘留得春偏在合與消寒擁酒鑪

讀藍石鵲集感賦

往者朱相國薦公良史才

公以朱文端薦入史館

公才卓犖朕仕

宦百年貧老心骨摧卻憶銜盃天香吐桂林風送金臺
步白頭未可葬瀋陽文章歸得江山助煌煌志乘放厥

詞

廟謨亦復參諏諮惜哉公死世莫知可憐八十號寒兒

人公尙有八十老兒業匠

羽可月竹

苔石列我座明月挂在壁牕前明月來不知誰主客牕
後清風來不知誰喧寂疎簾動夕波盪出瀟湘碧翩然
雲中君翠袖倚颯颯

雜興六首

寺門蕭瑟噪晨鴉初旭曛曛隱樹極拋卻繩牀尋夢去
膽瓶無恙倚秋花

壁上新詩格調高淒涼不唱鬱輪袍碧紗紅袖渾閒事
留與先生下濁醪

忍將魚鼈供陽侯作吏方深父母憂愧煞頑仙無一事

桑田滄海付閒謳

象槐陰裏亂鐘撞夕照摩挲古佛幢花事海棠如夢過
只餘菊影瘦僧窗

家住琴高鯉石頭曾鞭赤鯉跨滄洲同懷難得金鰲侶
其倚天風下釣鉤

轉漕南歸已順流河淮秋泛尚堪憂西風銜尾雲邊鴈
可到宮亭湖水頭

過吳子序寓居卽事

銷除朔雪三杯酒送盡斜陽一局碁岑寂春光花未發

落花偏對石田詩

君新購有祝枝山所書沈石田落花詩

贈張辛田

辛田文端裔孫中嘉慶癸酉副榜於余爲同年
戊子江南闈中得辛田文喜甚榜將發矣乃以
他累棄今年辛田至京以所爲詩作贊修弟子
禮來見置升沈之數重文字之知余旣重愧其
意辛田又以其所爲詞畧余爰題其卷端而歸
之

張生一卷詞清豔噴冰雪身世鮮知音古調自怡悅君

家浮渡山大江東向折扶毓多名賢祖德況堪述絲綸

四代承

絲綸四代作詞臣文端紀
思句也見存誠堂詩集

榮冠詞臣列不見名家孫石硯捧

天闕

事見魏
麴載筆

燕嶺萬重雲秦川千古月回首雪浪巖舊

家黯離別知君抑塞才終見風塵拔休悵江南夢待譜

金門謁

題寒鐙課讀圖爲管巽之

涕泣范家硯淒涼孟母機三更其鐙火風雪獨重闌貞
樹駢根茂幽蘭閱世辭今看舊牆角忍把短檠揮

潘星齋紱庭招飲詩舫出陸包山花鳴幽禽畫卷

索題

翩翹衆翼林間嬉不爭飲啄爭花枝包山之畫元宰題

卷端有董文綠陰庭院清如拭不見三庚日輪赤春色
斂自書題句

春聲猶几席君家景物占江南洞庭東西花鳥崦前輩

風流未衰歇畫書詩絕應能兼蜀葵戎戎大如斗扁舟

鷗鷺梨花酒通有以包山所作蜀葵及文斂自題
畫卷求售者扁舟句本文斂詩意兼金

可易吾未能一卷輸君長在手

胡蝶圖爲吳玉階

不是莊周夢不是韓憑魂徘徊復徘徊不寂亦不喧遊
子久不歸靡蕪荒故園故園三月暮胡蝶空飛翻我家
黃水頭最近滕王閣欲圖江夏班帝子不可作問君居
何鄉居傍廬山腳廬山有神女花容亦非昨湖上碧桃
花紛紛向風落淒涼玉腰奴下第逢張綽著君圖畫中
遊戲與君同相期浮羅洞更訪葛仙翁

十臺詩次潘紱庭韻

亭長還鄉日依然唱楚風可憐美人泣誰識大王雄項
井荒煙裏留城落照中興亡同一慨何處漢遺宮

歌風臺

巫峽不可上陽臺空百尋朝朝復暮暮一片孤雲心徘徊

徊宋玉賦惆悵杜陵吟省識我眉月偏愁風雨深朝雲臺

荒墳七十二空望漢將軍隱隱鄴城古茫茫漳水分芝

園失飛蓋冰井其斜曛底事石牀倭爭誇玳瑁紋銅雀臺

麋鹿姑胥入難容走大才可憐吳下沼何似越王臺虎

氣沈諸劍鴟夷棄楚村五湖煙水濶響屨不歸來姑蘇臺

神仙求不得當世失龍媒肯下千金聘應招四海才忠

盡猶聞毅賢聲首重隗只今易水上弔古幾低徊黃金臺

犬臺誰見名鳩里枉招魂事白千秋訟感深三老言謀

神空有祝血淚黯無痕獨爾披廷令能全太子孫望思臺

孰起玉燭殿而嗤田舍翁黃山有遺構俯視總羣雄劉

毅徒稱叛桓元實啓公關河九井外盡入宋臺中凌敵臺

周王驅八駿猶見返瑤池所惜祈招誦曾無倚相規有

臣空厲刃何地更投龜寂寞細腰舞宮前花落時章華臺

遙接龍駒嘴荒臺蔓草深劇憐大彭國風雨慘秋陰名

馬汗流血美人花碎心江東餘父老過此幾霑襟戲馬臺

白也騎鯨去荒臺夕照開當年吟嘯地招手鳳凰來酒

戶金陵大江聲采石摧後來誰繼起翰墨失鉗鎚鳳凰臺

漢河間獻王君子館碑歌爲苗仙露秀才作

大雅久不作誰溯漢賢王孝景不任儒河間獨旁皇當
時何人稱博士毛公之學授貫卿獻樂歸藩就討論山
東諸老參翱翔陵谷滄桑世代改炎漢風流幾千載毛
精壘畔少人行夏屋渠渠竟何在嗟君桑梓賢達多張
超才邢尉德森我我神童七歲驚人筆盧大博士十年
閉戶歌劉瀛海鍾靈詎有極賢王被服當不磨建元天
子况好學士吏彬彬鏘佩珂窮經受祿利十倍宏于孝
弟廉讓科前有盛者後必繼光華萬古流義娥君持此

磚欲何適花紋龜背空摩挲又于王陵得唐瓦

仙露又調獻王

陵得唐瓦豈有神鬼同護呵漢唐往事若告語遺經坐對
開元瓦
頭欲幡潦倒半生慎莫怨諷諭百代應無訛

題俞松石蕉窗聽雨圖

圖爲李晴邨作並有題句

俞君家住北塢麓草堂陰陰綠天綠別來猶憶五峰秋
泉聲雨聲亂琴筑晴邨居士詩畫工京華閉戶偏難逢
興來爲君忽寫此驚回斷夢聞溪春

送王霞九前輩由侍御出守曹州

荷雷導禹蹟蒸民粒萬古夏侯卻蝗蝻邢公靖桴鼓迢

迢賢聖心後先若告語清風

名觀

昔已休明月

名樓

今猶覩

觥觥中朝彥一麾莅茲土家風孝義承

先生祖父兩世以孝子稱國

事勤勞補新歌晉黃堂舊列辭烏府崇朝岱嶽雲興雨
遍齊魯

吳松坪花下鳴琴圖

焦桐爨下來裁爲三尺琴恨非清廟器空託白雲岑
逝將偕老鶴投君著作林願譜雙鳳皇和鳴悅衆心
一彈再三鼓懷抱春風深猶是在山泉泠泠答遺音

送汪慧生之官雲南

朔風凍澈玉河水苦覓銀鱗薦芳醴高歌忽驚四座起
明日君當行萬里萬里迢遙載玉闥玉馬作畫上馬題
君配玉芝夫人畫千邨落月閒荒雞似燕門烏夜啼

嚴問樵大茅峰觀雪圖

崇禧觀北雪深處奇絕飄輪第一峰直挾三天繡衣客
高凌萬頃玉芙蓉偶來紛欲招元鶴便去應當駕白龍
世界神仙總虛幻洞門寥闕鎖寒松

詠物二十六首

冰窖

害傍玉河開堅冰萬玉堆千夫輟采琢六月息炎煥甚
卑猶虞闕無藏卽是災廟堂他日薦功自歲寒來

鏡市

天上春風度人間璧月窺瑤臺十二島瓊樹一千枝人
海禁方弛玉皇喜可知年年放煙火譜作太平詞

戲臺

悅耳正笙匏驚心又鼓鑊場中森變幻局外動喧呶位
置吾何似悲歌世漫教邯鄲一枕夢終向此中拋

酒店

蒹蘆懸近市燈火接斜曛客去仍留月仙過已醉雲樓
頭飛雨細帘外落花紛歲歲春光老離筵送宿醺

惜字鑑

世人不識字但惜千黃金倉頡鬼神秘爰旨天地心馨
香如可挹迹象杳難尋幸免泥塗辱何辭灰燼沈

定時表

開向日當午懸來夜未央最宜待漏院恰好讀書堂進
止唯吾節疾徐堪其量所懸文思鈍催促不成章

太平鼓

忽聽響逢逢街頭巷曲通疑迴賽社急喜兆凱歌雄點
點破寒雪聲聲打疾風催花獨何意盼煞買花僮

太平車

世路詎無險安車真太平未堪趨捷徑也自便長征巧
不關遲速裝宜稱重輕終須求善駕六轡息塵驚

太平船

風送安瀾地雲隨轉漕天一颿高下穩千里往來便須
爾同心友登茲大願船好將太平曲付與櫂歌傳

太平桶

似井收原溥如池竭已頻提攜方不假挹注竟何人六月雨蒸暑九衢星向辰寄言防患者莫仗水龍神

風門

三冬悄自關戶外卽冰山宵掩空閨夢朝局寒士顏重嫌鐵錘繫輕笑竹弓彎縱被周旋妒能辭防禦艱

火坑

寒室驟生煖涼宵忽變爰陽從地窟起功比冶鑪兼豈有然眉累微生炙手嫌袁安偏耐冷獨臥雪窗恬

仙

蓬萊東復東
蕩蕩白銀宮
松梁峰前碧
桃花洞口紅
因緣真出世
位業亦論功
願種廬山杏
年年學董公

佛

貝樹常春日
金剛不壞時
蘊空能解脫
心苦爲慈悲
月印龍潭靜
雲棲鷲嶺遲
要通真覺意
卽是達摩師

古松

絕壑蟠根大
幽巖覆葉濃
精靈呵白鹿
鱗甲變蒼龍
幢影翻寒日
濤聲激暮鐘
五更聞鶴語
似是駐仙蹤

古桐

本是名琴選般輸未見收因風疑寫怨帶雨似悲秋葉
落山空石枝疎月滿樓龍門孤絕處鸞鳳總修修

古寺

路向曇雲入門依寶月開僧閒惟鶴鶴佛古欲生苔竹
雨朝侵塔松風夜滿臺山來空絕地何處著紅埃

古墓

夕陽山外沈蜀魄不聞音木化草間石碑蘂花下金寒
燐悽野火流水咽孤琴獨有苔宮裏年年春色深

藕

采采出林塘風前雪有香圓輪江月淨片玉渚煙涼泥
愛沾仍潔絲憐斷後長苦心寄蓮子離割那無傷

菱

溪頭遮細雨塘角障斜曛葉冒漁人櫂花牽采女裙弄
憐紺珠美食帶紫泥芬因憶江南渚清歌月下聞

蟬

嘒嘒知何已因時亦有心自天飽風露得地卽山林柳
外雲生鬢桐邊月照音養疴無一事贈我總清吟

蛭

何處書題
觸熟已無奈偏憎爾輩多闌成交足態亂忽打頭過學
士防香墨佳人惜素羅焚香清一室忽任擾維摩

門神

鬱壘與神荼昂然態貌巖兩雄不相厄百鬼敢押掄閒
煞驅魔劍飄殘辟惡符高門多養卒只合護窮儒

廟卒

成行紛執役對仗儼分排但有狐威假何妨狗盜來泥
鞮仍剝土錢紙不成堆風雨門常閉淒涼亦可哀

舊劍

零落風塵裏無端忽見收
論交成主客閱世幾恩讐
星斗光難掩雲濤偶可求
雄才期報效終斬佞臣頭

破硯

留得貞心在磨礱歲月經
偶然逢損缺仍不礙方型
但使腹無負猶餘眼半青
瓦全咄已廣浪說漢宮銘

擬八蜡迎送曲八章章八句

惟國有養惟民斯衆叶民之衆矣厥本在農爾農弗勤
爾歲則凶上帝其怒百神斯恫章一爾農旣勤爾神其相

思則有澤威則有霜叶我黍我稷我蓄我藏於學於序

旨酒在盎二章民之息矣一日之澤神之息矣四方之宅

爾神則幽我祀孔赫爰聚其渙爰索其索三章有兵有帙

厥舞洋洋有鼓有鼗厥奏鏘鏘颺辜是獻皮弁是將孔

惠孔時順成之方四章歲云暮矣雪應其禱叶惟帝斯感

惟神斯保叶終則有始百呂潛受斗杓亭亭萬物牙紐

五章於戲先嗇爾神是主后稷以教百種以樹爾農其司

爰告爰語爾郵其造爰舍爰處六章爾虎爾貓食其鼠豕

爾坊爾庸障泄是以榛梗勿生螟螣其死歲有嘉穀自

今伊始七章嗟民曷廸惟廸于神嗟神何鑒惟鑒于人民

之息矣兵革不興神之息矣不變不愠八章

亨甫自幽入都其友人李蘭屏蘭卿爲作石畫留

人圖葉句卿爲作洪橋送別圖各題其後

嚮夕石間座凌晨郭外舟寒花醒客夢古樹伴人愁風

雪難爲別鯢鯨且漫遊燕臺塵黯黯荔水思悠悠蘭屏石畫

圖舊有荔水莊國初林同人吉人與諸名士觴詠處

落木一江寒江颿挂急灘乾坤自來去朋舊雜悲歡暮

雨蕭蕭別浮雲故故看石林信佳士知爾獨艱難

贈友詩三首

韓珠船

羅浮風雨爲離合君住長安願竟乖自寫生枯花當戶
獨歌金石月臨齋側身懷古吾誰與拔俗論詩世鮮儕
好趁鶴廳閒暇日一鉞還與就談諧

端木鶴田

蘇湖弟子久周旋已分烏程醉一甌垂老功名對紅藥
披荒事業問青田忘言自懷談詩戒寡過宜勤注易編
瀑直歸來還閉戶五陵裘馬讓翩翩

陳伯游

飢驅直欲挫賢豪世上誰爲脫寶刀人似秋鴻棲靜木
文如春水泛仙桃江南綠草驚前夢燕市黃塵黯故袍
雪後蹇驢能過我高歌還與酌蒲萄

仙屏書屋初集詩後錄卷之二

宜黃 黃爵滋樹齋著

郭羽可松林覓句圖

昨過西山寺欲招元鶴遊老松若定僧笑人易白頭猗
歟巖穴士葆此泉石修仰天一高咏萬壑迴蛟蚪俗耳
苦不聞適意將何求懷人感雲木閱世悲霜楸他時儻
寄我吟向風濤秋

葉潤臣風雨懷人圖

墨雲沈沈山欲睡絡石縈林阻遙思渡口忽見漁父舟

招之不應心煩憂美人美人在河涘林花蕭槭徑如水
請君自理囊中琴風止雨霽月在岑

凌厚堂註經圖

當代註經者吾得三友焉徐生

生

走南北母老炊無煙

端木

鶴

髮始白不得歸青田凌子復何爲閉戶當市廛

弱齡已飛騰強歲仍迤邐讀書父有子校韻妻亦仙日
月有晦蝕人事多變遷易與本憂患春秋責在賢伊子
希大道兀兀惟窮年痼疾善自防中正物乃全經術可
救世他日慎所權

爲李蓮舫題畫

江南一舸月初明
彷彿詩聲雜鴈聲
銀漢垂垂碧天遠
風流剛憶謝宣城

秋燈課子圖爲程鎮北

萬卷予能讀
九原親亦安
賢書傳姓氏
慈母雜悲歡
戶外梧桐老
階前蛩語寒
寸心誰照見
明月尚雲端

家香鐵松下談元圖

十年驟塵駕
五岳路阻修
閱人眼生肉
神仙不可求
獨有春花好
對酒消煩憂
醉來吐肝膈
輒復駭其儔
不如

處默默與世爲沈浮逝將挈吾友睠彼泉石秋松下儼
逢君與語成綢繆丹成總寂寞羽化誠優悠尚憐崕峴
石遙對軒轅邱不成叩閭闔便欲遺方州

陳唐夫老女待聘圖

西鄰悅在門歲造女兒酒有酒嘉賓歡有女吉士誘奈
何東鄰子寂寞還自守吁嗟鳩爲媒嗟嗟不足徃采玉
勿采珉種苗勿種莠所傷當路人目成匪嘉耦夜行失
秉燭誰能爲扞捩婦怨不可任女德亦云醜梧桐墜秋
風零落悲孤鳥不見東鄰子寂寞容顏老

飲不必菊水可以澤子孫食不必桂餌可以飽曾元生
之祖父兄旌自

兩朝前及生又五世生子當復然

唐臣次子承社年讀未五十已有曾孫

者樂孔道耕者安堯天已酬君父厚何羨卿相尊鬚髮
未盡白腰腳嗤已頑遭逢故居易閱歷猶思艱身處一
堂內心周三族間何時返吾駕訪爾茂林村

送鄒鍾泉太守卽題其先世遺刊

一爲中翰靜嶽先生乾卦說一

爲殿撰海嶽先生請建常平倉疏君子懷德論
一爲徵君黎眉先生詩凡二十四首末附汪若

文朱竹垞兩先生
與徵君書二則

我友郭可羽與徐廉論材服鄒湛虛聲非所珍實力故無

忝征車返黃河雪花密如毯何以持贈君愧乏光明錦

讀君先人書翰墨何精儼乘時卜飛潛濟世存遺廩一

誠德允懷八幻情偏密徵君有和梅村入幻作當時汪與朱古義

見肝膽靜觀風不驚沈吟日至晡何以持贈君永此清

芬攬

奉題李芝齡前輩聞妙香室詩集

百年幾見名公集四海新傳大雅辭香谷遊人搴蕙草

晴霄落鴈寫琴絲隱憂望木蒼生繫篤愛心應國士知

天遣文昌照川嶽龍門蹤跡未稱奇

長夏無事偶檢十餘年來師友翰墨得十卷裝池
之因成七律一首

如將海嶽貯胸間永晝披尋得靜閒琴絕有時悲逝水
花開頻想折春山蕭條風雨成離合浩蕩乾坤寄往還
最是關懷勤策我不堪攬鏡髮將斑

東坡先生紫雲端硯歌爲陳九香作

十年燕市尋酒徒陳生肝膽向我輸問君磊落何能爾
一生拜倒眉山蘇紫雲一片先生整蟾蜍秋水洗靈魄

竹柏橫斜清夜遊恰憶承天寺中樂我讀陳生一卷詩
坡老風流真見之千秋人往物徒在宇宙茫茫還其誰
吁嗟此硯有至理有名無名託雲水雲窮水盡一堅粹
片石至今磨不死陳生陳生且莫撫硯深歎傷我能飲
爾至醉樂未央夢中定與黃州之鶴參翱翔

碧螺春茗歌調羽可

老可飲茶不飲酒老可愛茶如愛友不若黃生酒戶奢
醉從老可分香茶碧螺峰在小洞庭有人摘向春山青
江南米貴茶應賤何須珍惜雙銀餅老可東鄰有陸子

立夫爲我招來吟屋裏健談失笑茶神疲渴飲還如酒
龍起

答李晚蘇從事

有美東方士貽我只素書語簡不遽盡意深良有餘百
年皓鬚鬢羸者道義儲五行以氣翕萬象由心攄浩然
海嶽間孰間君與余光輝在日月六合耿一閭願得凌
風翼高舉覩所如

寄題朝鮮洪海居詩集

乾坤蕩蕩逸中處東浪西池跡多阻鈞天廣奏夢中聞

仙舟書卷
失笑人間調白紵海居居士同我心明月三山忽高吐
北來始見壓使輒東望何因接譚座信知東國美文章
豈獨孤雲倬千古黃郎作歌酒如雨婉婉虬龍海天舞

王藕塘前輩灘濱垂釣圖

飛羽知避繳遊鱗識防釣釣者夫如何適意方臨流溪
雲無定影溪水無迴瀾故山一千丈誰從廬遨遊

太息一首

層雲蔽高穹明月不知處太息御風人揮手自來去天
關虎豹啼大澤龍蛇赴肉眼焉得窺仙心儻相遇相遇

更相悲徘徊萬里路但去不復來中懷誰可訴

贈林范亭

昌黎詩格最輪囷衛道文章只五原綺歲才華老成筆
六經還與溯崑崙

蔣丹林先生命題童子釣遊圖

鄉心圖畫裏舊夢釣遊間花落一溪靜鳥啼千嶂閒秋
風餘鵲髮春水訊羅山三世神仙福平安報竹關

伊猗君秋深憶夢圖

塘邊綠水雙鴛鴦枝上孤雄黯自傷雄飛高高奈孤何

不及鴛鴦低宿荷夢裏忽挾雌鸞歸碧梧明月團圓輝
天邊月有圓缺缺復圓心似月

贈李海鵬觀察三首

胸中有滄海眼裏忽神黿氣象今誰似文章昔已蒙青
年艱閱歷白髮重勤勞回首馳驅路栽眉雪正高

蜀道曾何險夷支或抗威撫綏

天子德擒賊將臣機輿府東南給雄流江漢飛知君重
形勢策馬幾歔歔

聞說輿人誦官聲李竝蘇

蘇鼐石前輩

深心方有待直道豈容

誣但使葦施化休嫌松菊蕪

天廷求實詔屬望在吾徒

海颿出其季父抱犢山人四友圖索題

閱盡百年態方知四友心有情同對月不語且橫琴氣
象空山抱精神隔世沈何當聞鶴唳恍惚白雲岑

贈趙羽堂副使

三年北闕傳賓禮幾度人藩識使星

予居客卿三載先後
晤東使趙心菴

權舜齋申翠微諸君倍覺心情移海水頗教炎暑浚江亭歸塗柳

月關前望別寺松風夢裏聽感我容華易蕭瑟不知何

處采芳馨

贈朴心田李藕船兩從事

五岳故人多不見三山佳客忽相逢
尋詩幾泛鳴江櫂感舊頻驚燕寺鐘
槐雪細添朝笠淨荷風香入午樽濃
懸知別後同秋思月上金華第幾峰

慈仁寺古松聯句詩

曉日毘盧閣老松方對禪客來滄海上樹
齋馬繫廣衢邊閱劫成神物羽堂觀心得靜
緣軟塵終不到孟慈爰
暑早相扣綠蔭圍成幄頌南蒼苔匝襯筵
聽蟬思故友

謂吳蘭雪丁
卯攜諸君

心田 歸鴻盼飛仙 貽上歌偏好 藕船學

餘詩竝箋金源雖渺矣 樹齋 鐵幹尚虬然 積翠堅如石

羽堂 橫枝盡破煙 潛機生死判 孟慈 浩氣古今懸 寺午

鐘聲歇 頌南 棚涼酒態偏 無遮仍隙地 心田 不礙總蟠

天神鬼孤根聚 藕船 風雷昨夜纏 三山濤在眼 樹齋 萬

壑嶂當肩鳳展神都翅 昔人謂報國寺 松如青鳳展翅 羽堂 龍懷故

土眠 吾歛黃山古 近霄欣有託 孟慈 鎮日喜常圓 座接

莊嚴相 變觀音像 頌南 吟賡急就鶴前程 應夢兆 樹齋

人遊廬山夢神 心田 此會只言筌契許 槐榆洽 藕船

情通縞紵聯千秋永茲意圖書尙能傳樹齋

林帖瞻招集寓齋出張亨甫所贈吳文定題赤壁
畫幀索詩次韻二首

十年風雪挈孤舟岑寂不聞江上謳祇今素壁青山在
欲挽奔牛萬古流

詩情畫意入遙空主客圖添小院東他日攜歸海山去
相思應在月明中

題安福王孝子旌孝錄後

至行傳桑梓孤心泣鬼神十齡天賜母百里夢隨親事

往芬猶烈書存澤自新顯揚期令嗣謂範九綠筆動麒麟

爲江龍門題圖絕句三首

佳人零落幽居怨老驥蹉跎伏櫪吟世上紛紜諍肉眼
等閒拋擲千黃金

右美人良馬圖

形如碧月光如水不照雙眉照寸心未識郎心似妾否
妾心還在鏡中尋

右姬人鏡心圖

眼前春好花開處耳畔秋涼葉落時
贏得光陰供靜坐
一林風動鳥先知

右觀化圖

爲陳堯農題其六世祖迺錫先生詩墨卽次卷中

巴郡登樓韻

湖漲風吹落天氣雨洗清千秋奇士際一笑列侯輕
餘事關天授遺民感世平長沙舊時月圓缺古今情

寄題趙心菴臨江亭子

海上飛鴻恰送音碧天如洗悟詩心一亭似此乾坤大

兩地因之魂夢深朝市歸來羨休沐湖山倚處動高吟
雲橫側嶺斜欹帽月帶長波碎蹙金鷺鶴十洲仙縹緲
魚龍三島氣森沈一從石室丹霞別猶傍金華曉日臨
黃海重聞持節去綠江定憶隔年尋相逢絕似邢兼尹
不見空憐商與參浚浚春生亭草際聲聲秋在閣梧陰
憑君莫負平泉好肯把新詞譜玉琴

龍樹寺次韻答李秋齋行人

勝日尋春春尚遲清談不覺晷頻移雪銷山翠初明處
風勁槐龍欲動時虛榻乍迴香篆影嬌花略似故園枝

年年賞酒蒹葭閣客過愁添惜別詩

廣單廉泉書語意寄從弟濤

喚起西窗迴曉夢六時坐對南華峰
悟從心手俱閑處雨過梧桐月在松

羅六湖畫荔支

五月越王城畔嬉海山朝暮暑風吹蔡家
舊譜何須問自憶鄉園寫荔支

題畫二首

福建學使院有軒植松竹梅歸安沈心齋先生

名之曰友清乾隆庚子大興朱竹君先生復構
亭避暑使諸生各致一石名曰三百三十有三
士亭汪雨園前輩屬姜瑤圃珏王子若應綬兩
茂才各爲一圖道光庚子徐松龕觀察得王圖
於市肆中以視吳姓舫學使仍歸使院羅六湖
比部愛而摹之爲題斷句二首

三友原堪其歲寒石交還爲避炎官
河居士風流甚
六十年前見柳韓

清泉灑灑寫幽懷綠洗蕉天五丈排
不任煙雲空過眼

得心印處便爲佳

寄題陳雲乃司馬譚藝圖

蜀化被文翁閩風襲常袞古今若輝映廣狹豈殊蘊陳
君著作才攝篆暨陽尹獨從談藝餘一窺論蒙本思深

力匪艱氣銳機逾敏江南老經師猶見李公

申耆健嘉

賓識毛

甫生俞履初

弟子盡佳選殷勤兩校師

劉箴山顧侍護導彼

一覺雋達誠而厲頑安定法當勉茲旨吾已負年少未

知憤士行貴陶鎔農功視穠蓂不見麥兩歧獻瑞已連

畛

寄贈陸立夫前輩觀察天津

三年契濶崇朝話一夢徘徊兩地思
海上東來魚腹便關中西去馬頭遲
風迴落水偏生籟日射寒冰正結澌
應憶柯亭其閒暇都門春好杏花時

疊前韻贈張黼圖

北鷹南鷁今誰屬國士從教繫我思
校技翻嫌六鈞弱發書猶笑百函遲
卽看廣漠迴風曠定愛熙陽解凍澌
萬事由來歸靜密吳鉤珍重未逢時

涿州行館再疊前韻寄朱東江金亞伯許鷺園吳

子序

寒夕清梅餘別緒
虛堂塵鏡掩愁思
祇憐破夢雞聲慣
漸覺依人月影遲
涿鹿天青仍盼雪
琉璃水碧未凝澌
春風何處更回首
玉女峰頭立馬時

一 三疊前韻酬柏靜濤

別來海上幾明月
迤邐秦雲入夢思
君自曾誇出塞早
我今猶笑識山遲
薜蘿曲花藏豔錦
繡川寒玉作嘶
先後飛鴻畱雪爪
挑鐙聊話舊遊時

十一月二十七日早發明月店經新樂縣道中作

西望天門道里兼衝寒難任覓青布軍郵未罷傳車騎
逆旅何因賤米鹽月影低懸半鉤小霜威暗逼重裘尖
故人道左煩迎送

謂楊伯所大令

五夜偏勞火炬添

壽陽過韓文公詩亭壁間見春浦前輩題識有感

卻寄疊用韓韻二首

簡書三載不遑安海颶天炎岱雪寒今日清冷飲壽酒
惜無人與致龍團

豔說園林足寄安松聲泉韻寫幽寒何如溫室裴裏處
照影分明月鏡圓

焦山春夜贈德研香

江風吹夕照山月對清吟
鷗臥忽如我雲飛方自今
潛潛逝水寂寂見孤岑
何以寫予意惟君綠綺琴

增闕題壁爲陳雲乃司馬兼柬張芑雲觀察

林壑出天然江湖隙地偏
集成應爲鶴花好正如仙
跡阻三山畔心飛五嶽邊
平生樽酒意感此重流連

題張佩之畫冊

寥廓生長風飛堂入秋氣
卻愁門外塵舉足不得避
故園多竹石何由返所憩
遐哉君子言疎老有韻味

五字是老

可詩
語

贈甘經畬學博

同年廿七載相見惜蒼然愧我虛名早知君內行先爲
儒不佞佛安命信由天回首雙江水斜陽一扣舷

送吳子苾觀察

扁舟邀月過湘灘春水方生江上時梅樹舊依丞相寺
蕉花新訪故侯碑百年勲業從今盛千乘風流自昔推
好語榕門諸長吏當年從政有良規

喜王蘭圃過訪卽送之任南灣

憶爾山陰道上來不圖談笑爲君開勤民親答

九重問籌海原非百里才江月潛移帝子閣蠻花先對
粵王臺便思踏遍長沙尾吸取鯨波入酒盃

題王峙亭先生遺照爲句生

位置恰神仙松風又石泉課孫成暇日問鶴與疑年道
德初生在文章後死傳從知圖畫意笠外有青天

四月九日胡若卿張詠仙彭訥生招同陳良叔諸
君小集拙政園良叔賦詩依韻和之

幽尋底事託冥搜適興天然物外樓吳下林亭惟此舊

春餘花鳥爲誰留漫逢鄰笛頻生感

良叔四農弟子來詩有節爲從公成

舊遊

且盡朋觴足解憂紅板橋頭碧苔路脫除塵鞅便

佳游

題周觀察聽松圖

飛雲巖畔松千尺本是

天家作棟材勢上青霄干日月聲盤大壑出風雷相於
靜裏得神釋恰向塵中破夢來我自荒江耽寂寞慣隨
僧鶴立蒼苔

閔吳小芝送別于瀛舫刺史周石藩司馬陶珊有

感竝誌二首

江湖別思兩無涯
雲樹蒼茫帶落鴉
棖觸十年前夢在

秋堂其對紫薇花

小芝已亥秋賦出海舫房中

宦情絕似江湖退
離恨偏隨海月生
今日玉蘭花下醉

有人還按白華笙

請子愉前輩時尙寓邦上

和王子梅失詩

高歌斫地見王郎
一卷新詩劍有霜
豈是仙官工攝取
竟難神物爲隄防
文通定不傷才盡
東哲何須補雅亡
轉笑偷兒成解事
無文字處足參詳

次韻酬鄒蓉閣並寄王子樸龔孝拱

揩眼星雲麗

紫宸蒼生其比百年身西湖忽漫逢佳士北海而今幾
故人塵世勞勞嗟遠道詩篇浩浩各天真扁舟一去渾
無奈悵絕孤吟煙水濱

倪姬出便面乞壽泉先生作畫戲題二十八字

落拓江湖載酒船雲林畫意本天然歸來添得黃筌筆
教祝高官老少年

跋

丙午孟夏吾師命

謝孫

校勘詩集將付梓人

謝孫

燁心

尋繹至和湯海秋贈吳蘭雪刺史之作及與潘四農論
詩偶述有酒八章而知吾師詩學源流之所自矣蓋一
代有一代之作者而具間又必有挽回風尚度越諸家
而獨闢一大宗者若宋初溺於西崑而歐梅矯其弊元
代流於佻弱而伯生振其衰此吾師自序所謂代不數
人是也

國朝提唱宗風莫盛於王文簡沈文愬然一主神韻一

主格律各有所偏不足饗學者之心至乾隆間作者最盛而僞體亦興不無破壞法律而猖狂自恣者吾師起而振之挾海涵地負之才具博大精純之詣幾於無美不備無體不工而要其歸必力埽榛蕪之習而一衷於正故其體尊其力厚其骨堅其氣裕恢恢乎廓清摧陷在斯道中以起衰自任而生平之事功學業悉於是而寓焉固非苟焉已也統讀全帙如聞中述事閩中雜詩除大母服辛卯歲除敬述諸作至性流露悱惻感人杜陵愛國每飯不忘曾子事親負薪嚙指此足以教忠教

孝者也如曲阜調先師孔子廟林敬紀言志答郭羽可
四十初度酬張亨甫五十初度思寡過篇諸作闡明立
身行己之大端上協濂洛關閩之奧旨此發揚學術者
也如江南行四川行廣東行山西行江西行梅關行磁
州行撫州行後撫州行泰山篇後泰山篇黃河篇海防
篇廉吏行漫興諸作感時撫事隱然懷整俗宜民之念
有先憂後樂之心此關係於治術者也如丁氏女劉烈
婦行烏札庫氏節婦行吳孝婦割臂療姑爲湯雨生題
其尊人遺照等篇發潛起幽頑廉懦立此有裨於世道

人心者也如感舊懷人贈友五悼等篇言出肝鬲誼關
氣類此不獨見交道之終始而竝可以覘人材之盛衰
者也如江亭展禩癸巳中秋答陳潤珊并示江南諸子
丁酉山左聞中賦詩冬至答喬鶴儕等篇宏獎風流愛
才若渴感鮑叔之知己越石涕零喻東野以雲龍昌黎
道廣尤承學之士所爲鏤膺而刻骨者乎雖誦數日亦
思妄爲獻替而諸先達已久爲論定徒爲贅語竊恐無
當於高潔然受知兩次歷今將二十年在及門中識拔
尤屬深至集中有蒙贈七古一章其期許有獨厚則誼

不敢默然也。用敢論其大指以告世之讀是集者焉。道光丙午陽湖門人洪齋孫謹跋。